

# Bagaimana Terkeluarnya Undang-undang Negeri yang Bertentangan dengan Syariat Islam daripada Tugasnya?

“Tidakkah engkau perhatikan orang-orang yang mengatakan dirinya beriman kepada apa yang diturunkan kepada engkau dan apa yang diturunkan sebelum engkau? Mereka mahu berhukum kepada berhala, biarpun mereka disuruh supaya jangan mempercayai berhala itu. Syaitan itu mahu menyesatkan mereka sejauh-jauhnya.” Maksud *ayāt* (60) dari *Sūrah al-Nisā’*.

Terjemahan bebas oleh: Azmi  
(VIII)

Asal tugas yang menjadi tujuan utama undang-undang negeri ciptaan manusia itu diciptakan ialah untuk memenuhi kehendak masyarakat, mengaturnya, menjaga dan menjadikan masyarakat itu suatu masyarakat yang aman damai. Sepenting-penting keperluan yang dihajati oleh sesuatu masyarakat itu ialah memperlindungi akidah kepercayaannya, menjaga prasananya dan memperkemas peraturan-peraturannya. Di dalam negeri-negeri Islam yang mempraktikkan peraturan-peraturan Islam di dalam masyarakat,

manusia itu bukan dari segi syariat Islam sahaja, malahan ia bertentangan pula dengan tugas-tugas asal yang menjadi tujuan utama undang-undang negeri itu diciptakan. Dengan ini nyatalah kepada kita bahawa undang-undang negeri yang diciptakan oleh manusia itu tidak berdiri di atas asas-asas yang teguh dan konkrik<sup>1</sup> dan tidak pula menuju kepada pembinaan suatu masyarakat hidup manusia yang lengkap yang dapat menjamin kentetapan dan keamanan dunia yang kekal abadi.

berjiwa keislaman, maka mereka akan merasakan kepahitan-kepahitan yang menekan jiwa dan menyekat perasaan mereka yang bebas merdeka, mereka sudah pasti tidak akan mahu menerima undang-undang yang mengandungi racun fitnah dan membawa semangat perpecahan di antara sesama manusia itu dibawa masuk ke dalam masyarakat mereka yang bersuasana aman damai dan saling bantu membantu itu. Mereka menganggap bahawa undang-undang Barat itulah yang akan menaburkan racun-racun fitnah dan

## Islam Di antara Kejahilan Pemeluknya dan Kelemahan Ulamanya

yang mendirikan akidah-akidah Islam di dalam urusan negara, seyogianyalah menggunakan undang-undang negeri yang bersesuaian dan tidak bertentangan dengan syariat Islam, tetapi walaubagaimanapun sangat sukar sekali untuk mengakurkan (mempersesuaikan) di antara syariat dan undang-undang negeri itu, kerana sudah menjadi tabiat bahawa undang-undang negeri itu selalu bertentangan dengan syariat Islam di dalam banyak perkara – sebagaimana yang dapat kita lihat.

Kadang-kadang pertentangan yang kita dapati di dalam undang-undang negeri ciptaan

Jika kita betul-betul dapat memahami hakikat-hakikat yang terkandung di dalam syariat Islam, maka dengan mudah sahaja kita dapat pula mengetahui segala hukum yang terkandung di dalam undang-undang negeri ciptaan orang-orang Barat yang selama ini mereka agung-agungkan sebagai suatu undang-undang yang mendatangkan kebahagiaan kepada masyarakat hidup seluruh manusia, yang sebenarnya anggapan mereka itu hanya omong kosong sahaja. Pada hakikatnya jika undang-undang tersebut dibawa masuk ke dalam negara-negara Islam yang penduduknya seratus peratus

menjadikan masyarakat mereka porak peranda dan kucar-kacir, ini disebabkan:

**Pertama :** Agama Islam sekali-kali tidak membenarkan seseorang muslim itu mengambil selain daripada syariat yang diturunkan Allah sebagai menjadi undang-undang hidupnya, tiap-tiap undang-undang yang keluar(bertentangan) dengan nas-nas syariat Islam atau *mabdānya* (konsepnya) atau keluar daripada semangat keislaman yang tulen sejati, maka haramlah bagi orang-orang Islam berpegang

<sup>1</sup> Perkataan yang sebenar ialah konkrit

dengannya sebagai suatu larangan yang terang nyata di dalam al-Qur'an al-Karim. Di dalam soal undang-undang Allah *Subhānahu wa Ta 'āla hanyā membenarkan dua perkara sahaja. Sama ada taat kepada undang-undang Allah dan Rasul atau pun mengikut segala ajaran-ajaran yang didatangkan oleh Rasul, selain daripada dua perkara ini dinamakan "ittibā' al-hawā" (mengikut kemauhan hawa nafsu) Setiap perkara yang tidak didatangkan oleh Rasulullah maka dinamakan "ittibā' al-hawā", sebagaimana firman Allah di dalam *Sūrah al-Qaṣāṣ* ayat (50):*

**"Fa in lam yastajibū laka fa a'alam 'annamā yattabi'ūna ahwā'ahum wa man 'adallu minmānī ittaba'a hawāhu bighayri hudā mina Allahi, inna Allaha lā yahdī al-qawma al-zālimīn."**

Maksudnya: "Kalau mereka tiada memperkenankan seruan engkau, maka ketahuilah bahawa mereka hanya mengikut kemauhan hawa nafsu mereka sendiri, dan siapakah yang lebih sesat dari orang-orang yang mengikut kemauhan hawa nafsunya dengan tiada pimpinan dari Tuhan? Sesungguhnya Tuhan itu tiada memimpin kaum yang zalmi."

Dan firman-Nya lagi di dalam *Sūrah al-Jātiyah* ayat (18-19) :

**"Thumma ja'alnāka 'alā shari'ati mina al-amri fa ittabi'hā walā tattabi' ahwā' a alladhīna lā ya'lāmūna. Iyahum<sup>2</sup> lan yughnū 'anka mina Allahi shay'ā, wa inna al-zālimīna ba'duhum awliyā'u ba'di, wa Allahu waliyyu al-mutaqīn."** Maksudnya : " Kemudian engkau Kami tempatkan pada syariat (jalan) yang terang dalam urusan (agama), maka turutlah jalan itu. Dan janganlah engkau turut kemauhan hawa nafsu yang tiada mempunyai pengetahuan,

mereka tiada sanggup memberikan pertolongan sedikit pun kepada engkau dari hukuman Tuhan, dan sesungguhnya orang yang bersalah itu sebahagiannya menjadi pemimpin kepada orang lain, dan Tuhan itu pemimpin orang-orang yang takwa (takutkan Allah)."

Di dalam *Sūrah al-A'rāf* ayat

(3) Tuhan ada berfirman pula:

**"Ittabi'ū mā unzila 'ilaykum min rabbikum walā tattabi'ū min dūnihi awliyā'a, qalīlā mā tadhakkārūn."** Maksudnya : " Turutlah apa yang diturunkan oleh Tuhan kepada kamu, dan janganlah kamu turut selain dari Allah menjadi pemimpin, sedikit benar mereka yang ingat."

**Kedua:** Allah menghendaki setiap orang mukmin itu jangan menerima sesuatu hukum selain daripada hukum Allah, atau berhukum kepada selain daripada hukuman yang diturunkan Allah. Malahan Allah telah memerintahkan supaya dikutuk, setiap orang Islam yang menjalankan hukum selain daripada hukum Allah, barangsiapa yang reda menerima hukuman selain daripada hukum Allah maka ia adalah sesat dan mengikuti jalan

Syaitan, sebagaimana firman Allah di dalam *Sūrah al-Nisā'* ayat (60) :

**"Alam tara ilā alladhīna yaz'umūna annahum āmanū bimā unzila ilayka wamā unzila min qablika yuridūna an yataḥākamū ilā al-ṭāghūti waqad umirū an yakfurū bihi wayuridū al-shayṭānu an yudillahum dalālā ba'tidā."**

Maksudnya: " Tiadakah engkau perhatikan orang-orang yang mengatakan dirinya beriman kepada apa yang diturunkan kepada engkau dan apa yang diturunkan sebelum engkau? Mereka mahu berhukum kepada berhala, biar pun mereka disuruh supaya jangan mempercayai berhala itu. Syaitan itu mahu menyesatkan mereka

sejauh-jauhnya."

Tegasnya ayat di atas menerangkan barangsiapa yang berhukum dengan selain daripada hukuman yang diturunkan Allah dan selain daripada hukuman yang didatangkan oleh Rasul Allah, maka sesungguhnya orang itu mengikuti berhala dan berhukum kepadanya. *Al-Tāghūt* atau berhala itu ialah tiap-tiap sesuatu yang disembah atau ditaati selain dari Allah. Pengikut-pengikut *ṭāghūt* itu adalah sesuatu kaum yang berhukum dengan selain daripada hukuman Allah dan rasul-Nya, atau pun orang-orang yang menyembah selain daripada Allah. Sedang Islam memerintahkan barangsiapa yang beriman kepada tuhan-tuhan yang lain dan ia tidak boleh menerima sesuatu hukum selain daripada hukuman Allah.

**Ketiga :** Sesungguhnya Allah *Subhānahu Wa Ta 'āla* tidak reda sama sekali setiap orang Islam itu memilih sesuatu hukum untuk dirinya selain daripada apa yang diredayai dan dipilih oleh Allah dan rasul-Nya, sebagaimana firman-Nya di dalam *Sūrah al-Aḥzāb* ayat (36) **"Wamā kānā limū min walā mū'mināt iḍhā qaḍā Allāh warasūluhu 'anrā an yakāna lahumu al-khiyaratu min amrihim, waman ya'si Allāha warasūluhū faqad dallas al-lālā mubinā."** Maksudnya : "Bagi seorang lelaki dan perempuan yang beriman, apabila Allah dan rasul-Nya telah menetapkan sesuatu ketentuan (keputusan), mereka tiada boleh memilih kemahuannya sendiri dalam urusan mereka itu, dan barangsiapa yang menderhaka kepada Allah dan rasul-Nya, sesungguhnya ia telah sesat dengan kesesatan yang terang nyata."

**Keempat:** Sesungguhnya Allah *Subhānahu Wa Ta 'āla* memerintahkan bahawa sesuatu

<sup>2</sup> Perkataan sebenarnya adalah *Innahum*.

Islam di antara kejahilan . . .  
 hukum yang dipakai oleh orang-orang  
 Islam itu hendaklah akur (tidak  
 bertentangan) dengan hukum-hukum yang telah  
 diturunkan Allah, seterusnya Allah memberi  
 amaran barangsiapa yang tidak  
 menjalankan sesuatu hukum yang telah  
 diturunkan Allah di dalam al-Qur'an maka ia  
 ia<sup>3</sup> itu termasuk di dalam golongan  
 orang-orang yang kafir, zalim dan fasik,  
 sebagaimana firman Allah di dalam *Sūrah al-Mā'idah* ayat (44): "**Waman lam yaḥkum bimā anzala Allahu fa'uла'ika humu al-kāfirūn.**"  
 Maksudnya: "Barangiapa yang tidak menghukum mengikut apa yang diturunkan Allah, maka mereka itu termasuk golongan orang-orang yang kafir." Di dalam *Sūrah al-Mā'idah* pula ayat (45) Allah berfirman: "**Waman lam yaḥkum bimā 'anzala Allahu fa'uла'ika humu al-zālimūn.**" Maksudnya: "Barangiapa yang tidak menghukum menurut apa yang diturunkan Allah, maka mereka itu termasuk di dalam golongan orang-orang yang zalim." Kemudian Allah berfirman lagi di dalam *Sūrah al-Mā'idah* juga ayat (47): "**Waman lam yaḥkum bimā 'anzala Allahu fa'uла'ika humu al-fasikūn.**" Maksudnya : Barang siapa yang tidak menghukum menurut apa yang diturunkan Allah, maka mereka itu termasuk di dalam golongan orang-orang yang fasik."

Daripada persetujuan yang telah dicapai di antara para ulama Tafsir dan para ulama ilmu fikah bahawa orang-orang Islam yang mengadakan hukum-hukum selain daripada yang diturunkan Allah, dengan meninggalkan sama sekali hukum-hukum Allah atau setengah daripadanya sedang mereka tidak percaya atas kebenarannya dengan tidak ragu-ragu, malahan mereka mementingkan

hukum-hukum yang lain di dalam hukuman mencuri, menuduh zina dan berzina, maka mereka itu adalah termasuk golongan orang-orang yang kafir. Barang siapa yang tidak menghukum menurut hukum-hukum yang diturunkan Allah, dengan sesuatu sebab yang lain sedang mereka tidak mengingkari akan kebenaran hukum-hukum Allah itu muka mereka itu termasuk di dalam golongan orang-orang yang zalim, tetapi kalau sesuatu hukum yang lain itu digunakan sekadar mengurangkan hak, keadilan dan persamaan, maka orang-orang Islam yang menggunakan hanya dianggap seorang muslim yang fasik sahaja.

**Kelima:** Allah *Subḥānahu Wa Ta'āla* menolak sama sekali iman seseorang hamba melainkan setelah mereka mengambil keputusan yang berdasarkan *Sunnah al-Rasūl* di dalam sesuatu perkara yang mereka perselisihkan serta menerima dengan dada yang lapang di atas segala keputusan tersebut, sebagaimana firman Allah di dalam *Sūrah al-Nisā'* ayat (65) :

**"Falā warabbika lā yu'minūna ḥattā yuḥakkimūka fīmā shajara baynahum thumma lā yajidū fī anfusihim ḥarajā mimmā qādayta wayuslimū taslīmā."**

Maksudnya : "Tidak! Demi Allah. Mereka tiada juga mahu beriman kepada engkau sehingga mereka mengangkat engkau menjadi hakim untuk menyelesaikan perselisihan mereka dan tiada mereka keberatan menerima hukuman engkau, mereka mengikut dengan sebenar-benarnya akan hukuman itu."

**Keenam:** Setiap hukum yang menyalahi (bertentangan) dengan syariat Islam adalah diharamkan di atas orang-orang Islam mentaatinya, walaupun mereka menerima perintah dari orang-orang yang berkuasa, kerana menurut Islam

sesuatu undang-undang negeri yang hendak diperkuatkuasakan ke atas orang-orang muslimin itu hendak ia bersesuaian dan tidak bertentangan dengan seumum konsep syariat Islam. Dalam hal yang seumpama ini tidak diharuskan seorang muslim mengikuti dan melaksanakannya, malahan wajib baginya mengingkari dan menentang habis-habisan undang-undang itu daripada diperkuatkuasakan ke atas orang-orang Islam, kerana taat kepada *ūlī al-amri* (orang yang berkuasa) itu ada mempunyai batasan yang tertentu, yaitu dengan mengikuti batasan-batasan yang telah ditentukan oleh Allah dan rasul-Nya.

Sebagaimana firman-Nya di dalam *Sūrah al-Nisā'* ayat (59) : **"Yā ayyuhā alladhīnā 'amanū aṣt'ū Allaha wa aṣt'ū al-rasūla wa ūlī al-amri minkum, fa in tanāza'tum fī shai'i faruddūhu ilā Allahi wa al-rasūl."**

Maksudnya : " Wahai orang-orang yang beriman! Taatlah kamu kepada Allah dan taatlah kepada Rasul dan orang yang mempunyai kekuasaan di antara kamu, dan kalau kamu berlainan pendapat tentang sesuatu, maka kembalilah kepada Allah dan Rasul." Di dalam *Sūrah al-Shūrā* ayat (10) Tuhan ada berfirman pula:

**"Wa mā akhtalaftum fīhi min shai'i fahukmuh ilā Allahi."** Maksudnya: " Dan apa-apa yang kamu perselisihkan itu, maka keputusan (hukumnya) kepada Allah."

Banyak didapati hadith-hadith Nabi (S.A.W) yang menerangkan tentang batasan taat itu, di antaranya sebagaimana sabda Rasulullah *ṣallā Allāhu alayhi wa sallam* : **"Lā tā'ata limakhlūq fī ma'siyati al-Khāliq."** Ertinya: " Tidak ada taat kepada seseorang makhluk itu di dalam maksiat terhadap *Khāliq* (tuhan). Dan sabdanya lagi: **"Innamā al-ṭā'ata fī al-ma'rūf."** Ertinya : " Sesungguhnya

<sup>3</sup> Pengulangan perkataan ia.

Islam di antara kejahilan . . . taat itu di dalam perkara kebaikan.” mengenai *ulī al-amri* Nabi bersabda pula: “*Man amarakum minhum bima’siyati fa lā sami‘u lahu wa lā tā’ata.*” Ertinya: “Barangsiapa yang memerintah kamu daripada (*ulī al-amri*) suapaya melakukan maksiat, jangan ditaati!”

Rasulullah, para ulama fikah dan ulama *ahl al-mujtahidīn* telah bersepakat mengatakan taat kepada *ulī al-amri* itu tidak wajib kalau tidak berdasarkan taat kepada Allah. Di antara mereka tidak bertentangan mengatakan bahawa tidak ada taat kepada seseorang makhluk di dalam melakukan maksiat terhadap Tuhan. Hukuman ini meliputi keseluruhan masyarakat Islam, seperti berzina, minum arak, merompak dan sebagainya. Orang-orang Islam yang melakukan

perbuatan-perbuatan tersebut adalah berdosa. Ada pun mengubah atau meminda ketetapan hukum syarak atau megadakan sesuatu hukuman baru yang bertentangan dengan syariat Islam, maka itu adalah haram, kufur dan murtad. Sesungguhnya keluar daripada mentaati hakim (raja) muslim yang kafir dan murtad itu adalah wajib dilakukan oleh orang-orang Islam.

**Ketujuh:** Ada pun hukum syarak itu tidak berbelah bagi dan tidak berpecah-pecah: Ertinya seseorang Islam itu tidak harus baginya beramal dengan setengah-setengah amalan yang diwajibkan dan meninggalkan setengahnya – Masalah ini telah kami huraikan dengan jelas dalam fasal yang lalu.

Inilah dia setengah daripada hakikat Islam yang sebenarnya. Yang wajib kamu turut ialah pengajaran-pengajaran yang terkandung di dalam kitab suci al-Qur'an al-Karim dan *al-Hādīth al-Sharīf*. Pengajaran-pengajaran inilah yang mesti dipahami oleh setiap

orang Islam dan mempercayainya serta beramal dengannya dengan jujur dan ikhlas.

Setiap undang-undang yang dicipta manusia tujuan asalnya ialah untuk memperlindungi ketenteraman dan akidah kepercayaan seseorang, tetapi bila mana undang-undang itu mulai menyeleweng daripada tujuan asalnya dengan mengadakan tentang yang hebat terhadap syariat Islam, maka ia wajib diperangi dan dimusnahkan.

Demikianlah sekadar yang dapat kami terangkan mengenai bahayanya memindahkan atau membawa masuk “undang-undang ciptaan Barat” ke dalam negara-negara Islam yang mana hasilnya menimbulkan huru-hara dalam negeri dan menyinggung ketenteraman jiwa umum serta menaburkan fitnah dan keburukan yang merosak dan memporak-perandakan kehidupan umat Islam sendiri.

(bersambung)



Tengku Jaafar ibni almarhum Tuanku Abdul Rahman, Bekas Pesuruhjaya Tinggi Malaysia ke Nigeria, kelihatan menerima surat perlantikan menjadi Yang Dipertuan Besar baharu Negeri Sembilan daripada Dato' Bentara Dalam, dalam suatu istiadat di Istana Besar, Seri Menanti, pada 18.4.67 yang lalu.